

## NJENAZHONITY (ČŁOWJEK)

čo. 38

- a) wón wudzi rady raki
- b) wón njeje hišće swójske pjenjezy zaslužil
- c) wón je hišće naiwny, njeje hišće wjele widzał abo dožiwił; wšo wěri, štož so jemu praji abo powěda

Prawa je wotmołwa **c**.

*Naiwny čłowjek bjez nazhonjenjow je njenazhonity. Zwjetša je wón młody, wšako zběraš w běhu žiwjenja nazhonjenja. Runje tak pak so tež praji wo někim, kiž steji před nowym nadawkom, kotryž njeje hišće ženje rozrisać abo zmištrować trjebał.*

### Takle móžeš to tež prajić

naiwny, lochkowěriwy, njeinformowany  
młody, njezrały

### Přikłady z rěčneho korpusa:

Tehdy běch hišće mały a hlupy a *njenazhonity*. (Ben Budar, Ja kocor Stani. Budyšin 1983)

Hačrunjež njeje Stanisław Tilich politisce *njenazhonity* a jemu tola mnozy přicpěja, zo wón tutón čežki nadawk derje zmištruje, budže jemu – kaž wšitkim, kotřiž maja politisku zamołwitosć – tyć, hdyž jeho ze swojej modlitwu přewodžamy. (Katolski Posoł, lětnik 2008)

Njeběch jenički *njenazhonity*, wšitcy sobudźělačerjo dyrbjachu sej hakle trěbne fachowe znajomosće přiswojić. (Serbska protyka 2008. Budyšin 2007)